

《中國地方志薈萃》編委會 編

中國地方志薈萃

西南卷·第二輯 叁



九州出版社
JIUZHOU PRESS

全國古籍圖書出版單位

中國地方志薈萃

西南卷·第二輯

叁

《中國地方志薈萃》編委會
編



九州出版社
JIUZHOU PRESS

全國百佳圖書出版單位

乾隆遂寧縣志

出版說明

乾隆遂寧縣志

(清) 張松孫 李培垺修 寇賁言等纂

本書十二卷首一卷，據清乾隆五十二年（一七八七）刻本影印。

序言

經之降者莫過乎史修史之難無過于志歲遠則同異難密事積則起訖易踈或有全歸一事數人分功兩記則失于複重偏舉則病于不周斯固總會之難也周官小史掌邦國之志采于輶軒陳諸太史所以觀民俗之

淳漓致政治之興廢不綦重歟後世郡邑有志胥于是乎昉今地方長吏每營擾于簿書錢穀之不暇視邑乘有無為無足重輕聽其泯蝕于螭涎蟬腹者有之偶有一二賢良留心文獻必設局籌費先如聚訟延致名宿廣集紳耆分任採訪欲可為先人附

一名立一傳餽賂相將是非倒置吹霜噴露寒暑筆端不免如陳壽希求方作佳傳十羊九牧何所適從閣筆含毫汗青無日人自以為荀袁家自以為班馬予甚耻焉乾隆癸卯秋奉命典郡梓州於教養之事次第興舉見一府八縣志乘闕略遂以重修為

已任因思古之國史皆出自一家如魯漢之邛明子長晉齊之董狐南史咸能立言不朽藏諸名山未聞藉以衆功方云絕筆予謏陋未嘗學問何敢方駕古人亦欲取灋乎上成一家言乃博集羣書百餘種先詳覽而會通之分檄八屬共相採訪自始事迄

今三更裘葛樂此不疲皆資一手寂
後廼及遂寧非敢緩也緣邑志為朝
國張文端公原本其間改綴增芟必
須倍加慎重雖經前令田朝鼎續增
纂輯歷年復久無論體裁尚有未協
卽應增訂者亦多適滇南李君培恒
來宰是邑振興學校講求吏治雅有

同志爰屬廣文紳士分事諏訪予得
按部就班詳稽確核依郡志例分綱
列目成書十二卷計二十餘萬言自
信已無遺憾今而後予志遂而志事
畢矣夫邑為唐節鎮重地川北一大
都會也境壤廣袤厥土肥沃城池所
建環繞羣山而襟帶涪江霸秀磅礴

佳氣盤結宜乎物產蕃庶貢賦饒多
維嶽降神申甫間出溯前代至
本朝不少瑰奇磊落之士舉于魚鹽
版築之中作霖雨而潤蒼生樹功勳
而鐫鐘鼎他若忠孝節義高人隱逸
亦代有標著輝映後先皆足為
邦國之光吾知邑之人士將必有繼

簡肅文端而起者是書也雖無采經
撫傳之美不免記繁志寡之失而斟酌
前志攷正異同賡而不穢詳而有體
後之君子不以質直無文恕予之拙
則誠幸甚
乾隆五十二年歲在彊圉協洽之蕤
賓月朝議大夫知四川潼川府事吳

趙張松孫撰并書

遂寧縣志

序

五

重修遂甯縣志序

蓋以西京作論曾傳風俗之通東
觀昭文聿修百官之表應汝南
衡當代志人物而成書王武子
標舉鄉邦撮山川而寫勝是皆
驚才之著述大都作志之權輿
亦越於今蔚然斯脩要惟足重
侯乎其人

遂寧縣志

序

一

遂志自李光祿僑寓吳門獨抱殘
而守缺張文端開府浙右始釐訂
為完書文獻于以足徵損益待諸
其後迨乎田令復為增輯視舊加
詳分門者凡三十六類為時既久
歷今也又四十二年

郡伯竊坪張公典領梓郡清香畫戟

文章直替左司餉，鶴調琴風節，羣
推清獻漢文翁，導民禮教既興起，
於詩書員半千，為政風流更粹澤，
以文雅萃八邑之志，乘畫一已為
經羅遂志之修葺，事維後視前昔，
者加美備焉，蓋夫華墨洗洋，數左
秘書蜀都之賦體裁，嚴潔具劉知

幾良史之才，固已超超乎方輿勝
覽而遠過夫華陽國志也矣。培 恒
備負斯邑有志，前脩對編，簡以懷
慙，製錦無能，空艷心於繡甍，撫丹
鉛而莫賞，彈琴自勵，寔仰首於高
山，幸茲人士之音徽，得藉燕公之
手筆，用弁數語，以附書名。

乾隆五十二年歲次丁未仲夏月文
林郎知遂甯縣事滇南李培恒午
橋氏謹序

後序

遂寧有志自先文端公巡撫浙西時始纂定為完書繼而縣令田公復詳加增輯載癸卯

太守張公米守梓郡越明年政通人和百廢具舉乃屬其艷之士庶而告之曰予不敏承乏是邦從諸大夫之

遂寧縣志

序

一

後思夫為亂之道必先以正民心為本而正民心必先於作民氣無以觀感之民無所則傲氣亦無由振審是艷縣志之修不可以不舉凡爾所知其廣為採輯毋濫毋遺以助予不逮已而下其檄于縣令長復博搜廣採集其事以上于艷其率艷志成又二

年七邑之志成復逾年而遂寧之志始成是時宰遂邑者為滇南李公培士氣勤教養躬任採訪不遺幽微故能濟公之美以克底于成蓋自田公後縣志不修者垂四十年公一旦而力舉之嗚呼偉矣張碩鑑曰政教之興豈不以其人哉夫民志之興之

遂寧縣志

序

二

自上民習近而忘遠十年之事相與信之百年之事相與忘之矣即有一二英傑特達之士姓字常不泯於人口然亦第相與傳為道焉似無與于已也惟其目所及見之人耳所習聞之事一旦華衮之褒載諸志察則莫不太息焉曰若吾所猶見者也若吾

祖吾父所嘗延遊也今遂已表而顯之
之不與州木同腐善果無不錄而氓
滅者無終窮其感勵之心有不油然而
生者哉是知志也者所以感世勵
俗亦所召發潛明微其功甚鉅其效
尤非淺鮮也然則麗縣之志果可以不
修哉公以為政餘力而念及此知

公之所存者大矣若夫志載山川風
俗賦役物土之宜辭例精筆削嚴夫
固千人所共見而知為不朽盛事也
鑑何容贊一辭焉

乾隆五十有二年歲次丁未仲夏月
朝議大夫前雲南開化府知府邑人
張頌鑑謹書

志序

志與史通史者古今治亂之原國家
盛衰之理之所係也志則辨風俗之
淳醜考政事之得失他如山川險易
土物良楛今昔沿革於是乎在國
與史相為表裏者也有地方之責者顧
可視為緩圖哉考之周官外史掌四

方之志即今郡邑之志是也而邑志
又即郡志省志所托始即太史纂修
國史亦得以憑藉焉志與史名雖異
而寔同故掌外志即謂之外史天下
志乘備儲史館余前協修
國史為文端張相國傳曾緒閱遂志
文獻足徵較他邑特詳文端公遂人

也公先創修邑志厥後邑令田朝鼎重修之距今又四十餘年我國家重熙累洽德教敷於四海制度日益詳生民日益盛維茲一邑所以為治之道久而益備如創革職官名官選舉人物列女等門之應增入者固多即體裁間有未協亦宜隨加修飾吳趨鶴坪郡伯癸卯歲莅梓留心教養凡所有事莫不次第興舉暇乎政簡刑清治臻上理見一府八縣志舊多缺畧遂立意修輯考文徵獻三閱寒暑郡邑志以次觀成窳浚乃及遂寧今志哀然成帙矣余快而讀之體裁嚴整不拘常格出以史

筆分綱列目以土地人民政事為綱以山川風俗官師選舉學校貢賦之類為目殫精畢憲探本窮源體例未合者正之事跡應增者益之莫不折衷至當歸諸詳備凡期有裨於治而已即起文端公而質之當亦樂其有同心也嘗考天下之有志自班固漢書地理志始夫固作史雄才也其序事也瞻而不穢詳而有體使讀之者覽之而不厭余讀是志擇焉必精語焉必詳自成一派直不難方駕古人以視汗青頭白牴牾不敢自保者何如哉昔元稹謂杜工部詩善陳時事法律精深號為詩史余於是志亦即

謂之志史也可乎否

乾隆五十二年歲在丁未中夏下泮
翰林院檢討充國史館纂修官加二
級寇賚言撰并書

遼寧縣志卷首

凡例

一遼寧原志較他邑舊本爲善然迄今已越四十年如
創制沿革職官名宦選舉人物列女等門之應增入
者不知凡幾而體裁與新修郡邑志未能畫一其中
結漏之處尙多不得不與他志一律重修茲詳加釐
定兩倍原志非欲誇多炫異亦增乎其不得不增
也

一發凡起例分編列目此修志之權輿也孟子曰諸侯

遼寧縣志

凡例

卷首

一之寶三土地人民政事百里亦諸侯也今倣郡志以
三者爲綱各類爲目如疆域場鎮土產之類從土地
學校禮儀營制之類從政事官師選舉之類從人民
二事理即天下無不理者一邑云乎哉
一遼寧前代原設節度或陞大藩其漕臺司法等衙門
頽垣舊礎故址久湮今雖無可攷稽仍照原志輯入
聊存昔時規制

一邑志首列星野疆域卽史家之天文輿地志也原志
未加深考略而不詳他若城池風俗俱寥寥數語氣

候節序概棄而弗錄長民者操尺寸之柄何以因時轉移化民成俗乎茲分門纂輯較舊加詳閱者自知之

一邑有山川如人有骨血必肢節脈絡井井分明其人精彩方得生動原志詳其大而略其小東抹西竄者目不分安問其筋絡連屬哉又山水本色經雅人點綴便秀發殊恒縱不能如應邵鄭元奇雋奪目斷不可以屠酤簿帳標置峙流茲擇名家題咏足開青碧生面者附於某山某水之後一目了然俾憑弔登臨

遂寧縣志

凡例

二

卷首

易於觀覽云

一標目風景固是騷雅韻事今非景而強名曰景非八節十例揆惡詩務盈其數列目觸唇便欲眩暈不但貽笑大方竊恐涸涸山川也舊志列景十二今概刪之僅錄文端相國數詩可存者繪為專圖列於古蹟之前不另標名目概曰古蹟蓋蹟與景似異實同蹟在則景自在非如雲影風光瞬息變幻直無蹟可尋也

土之有產蓋盡地利而窮物宜皆關於民生日用以

為財賦此徵人民此阜鳥獸此春草木此餽則官天下之地勤勤於物產務精知而博究之如此原志所載甚略僅列其名不詳物性邑雖環境皆山亦有山林陂池苑囿之利即皆種糧之常又可既置勿錄乎今凡五穀蔬菓動植飛潛鱗介昆蟲之屬為邑產必備載之周禮書其常子亦言其常則已耳

一舊志載職官勾龍如淵據史止經秦檜疑名未奉帝允至十二州都巡檢常延信盧斌原未治遂已一概刪去喬琳雖屈節朱泚有建學功仍存其傳他如劉

遂寧縣志

凡例

三

卷首

宋馮遷李唐陳叔達後晉李洪信後周張永德趙宋崔彥晉童貫賈林特徐誦王蜀劉知俊孟蜀李昊陳愈人既蒙詔治亦無蹟仍照舊志但於職官表各名下聊具節略傳則從汰

一舊志倣漢書列表各門如沿革藩封封廕則悉仍之舊而無可損益者也職官選舉則體仍舊表而續右增添者也其恩拔副榜同為正途出身散考援例亦有登進之路自應分門並列若僅捐一監舊志向不錄然既名刊成均即可入監讀書考職第仁壽

附於選舉之後

一 遂自置邑迄今幾二千年其間故事有可考者已見各門他如縣之沿革元官之達魯花赤科目之舍與特奏名縣署之爲武信府旌忠廟號之改易等類凡有典據成稽原委悉照原志逐細註明因所宜因無須更易也

一 人物傳自張文端以前悉照原志其後有文行卓越循良昭著前未入志者今爲增入其壺範苦節閭秀名姝如金氏陳氏者或得自採訪或本家開送卽有

遂寧縣志

凡例

四

卷首

近時節孝旌表未及者咸爲列傳以妥幽魂亦善事從長之意也

一 外教寺觀爲原志所略此泥於異端而亟待改之亦甚矣邑自廣德大佛諸名利外不少栖真選佛之所昔人碑碣未盡剝蝕尙可卒讀今於荒烟蔓艸中廢事搜羅悉爲載入附於外教之後蓋記外教而必應及托足之地未敢如昌黎所云概欲人其人而廬其居也

一 爲政經猷惟教與養今絃誦遍天下學校遍郡邑及

詢以先賢先儒名號祭器樂器有數典而茫然者故於廟記位次典章儀禮修建碑碣考錄特詳而賦役一門舊時糧額概行刪去悉照現在全書及奉行新制分條備載並以襍稅倉儲附入於教養之方率由有自不無小補云

一 志家於藝文一門每多濫錄以老生代斲之碑文里魁掌簿之記事意則丐羹譟多談乃買萊牧猪標口藝文嗤爲苦海今依郡志體例不列專門順其文義各附本事之下前輩碎瑣斷壁及名臣奏疏亦附本

遂寧縣志

凡例

五

卷首


人傳後以類相從易於緝閱非敢謂竟無藝文亦愛惜前賢之苦心也


一 邑志止志一邑事其非遂邑事而爲遂邑人記傳者概別附稗記之後以存前賢文獻又志體不列災祥而水旱寇警等事爲原志所錄未便概行刪去統名襍記分爲上下其原志所載藝文別集亦分附各門俾觀者易以尋繹焉

一 子輯遂寧志最後成書既竭耳目心思亦苦江淹才盡矣夫金投大冶不卻銅鉛終不能鎔沙礫材歸大

匠兼納桷采必不能雕朽腐今所鋪設縱非純鏐桷梓亦無瓦石枯極禮俟良工聽其裁鑄可耳

天下分
野圖





遼寧縣志

分野

八

卷首

按分野之說本諸周禮以星土辨九州而已夫九州既應星土則三百餘度皆有其驗何但十二次乎又口封域有分星則千八百國皆有其屬何但十二國乎此古今所通疑也議者曰天運有歲差地勢有遷移人事有更換夫得一賢令則郎官明得一賢士而少微顯歲星所臨何知此不蒙慶壽之流何知此不及殃三才交變分野寧無變通哉近世御覽天文述云晉志十二次始角亢者以東方蒼龍為首也唐始女虛危者以十二次為首也其以斗牛為星分首

者日月星皆起於斗宿古之言天者由斗牛以紀之故曰星紀紀為十二次之首而斗牛女二十八宿之首也

十二次辰分野史記正義背三星參三星外四星為實沈於辰在申魏之分野蔡邕月令章句自畢六度至井十度謂之實沈之次晉之分野晉書自畢十二度至東井十五度為實沈於辰在申魏之分野屬金州遼寧應在實沈之次於辰在申

十二次分野天官書甲乙四海之外丙丁江漢海岱

遼寧縣志

分野

九

卷首

戊己中州河齊庚辛華山以西壬癸恒山以北蜀在華山西之南遼寧於天干應在庚

禹貢蜀為梁州之域周禮職方氏以梁併雍漢改梁為益州治廣漢晉書天文志同隋書梁州於天官上應參之宿宋史益梓利夔四路井鬼分野通志潼川在背參之次入背一次不兼井鬼者非也予於郡志分野圖兼繪背參井鬼四宿已詳其說為之更正遼寧係潼之屬邑分野自同故亦繪四宿圖以備考云


遂寧縣志

遂寧縣志

輿圖

十

卷首



遂寧縣志

輿圖

十一

卷首